

ERABAKIA, 2023ko IRAILAREN 22koa, EUSKARA, KULTURA ETA NAZIOARTEKOTZEAREN ARLOKO ERREKTOREORDEARENA, ZEINAREN BIDEZ ALDATZEN BAITA 2023ko UZTAILAREN 28ko ERABAKIA, EUSKARA, KULTURA ETA NAZIOARTEKOTZEAREN ARLOKO ERREKTOREORDEARENA, UPV/EHUko IRAKASLE-IKERTZAILEEK 2023/2024 IKASTURTEAN ERASMUS+ PROGRAMAN IRAKASKUNTZA HELBURUAK DITUZTEN EGONALDIAK EGITEKO OINARRIAK ONARTZEKO DENA

Euskara, Kultura eta Nazioartekotzearen arloko errektoreordearen deialdi honek ezartzen ditu Erasmus+ programan dirulaguntzak banatzeko modua eta irakaskuntza helburuak dituzten egonaldiak egiteko baldintzak, aintzat harturik Europako Batzordeak Hezkuntza Nazioartekotzeko Zerbitzu Espainiarraren bidez (SEPIE) emandako jarraibideak.

Deialdi honen xedea da dirulaguntzak ematea UPV/EHUko irakasle-ikertzaileei 2023/2024 ikasturtean Erasmus+ programari atxikitako goi mailako hezkuntzako erakundeetan irakasteko.

Administrazio Publikoen Administrazio Prozedura Erkidearen urriaren 1eko 39/2015 Legearen 109.2 artikuluari jarraituz, administrazio publikoek, beren kabuz edo interesdunek eskaturik, edozein unetan zuzendu ditzakete beren egintzetako errakuntza materialak, egitezkoak edo aritmetikoak.

Aurrekoarekin bat etorritz, aldatu egiten da 2023ko uztailaren 28koa ebazpena, eta honela geratzen da idatzita:

Lehenengoa: Aldatu egiten da deialdi horren 3. oinarriaren 3.1 puntuaren a) atala, bidaia gastuetarako laguntza eta bidaia ekologikorako laguntza ekonomikoei buruzkoa:

- **Bidaia gastuetarako laguntza** taula kendu, eta zenbateko zuzenak jasotzen dituen taula berria sartu da, bidaia ekologikoarenak barne.
- Esaldi hau ezabatu da: *"Bidaiak bidaia ekologikorako laguntzaren baldintzak betetzen baditu, 50 € gehituko zaizkio kopuru horri"*.

Azaldutakoaren harira, nire eskumenak erabiliz, honako hau

ERABAKI DUT:

Lehena: Onartzea eta argitara ematea Euskara, Kultura eta Nazioartekotzearen arloko errektoreordearena 2023ko uztailaren 28koa Ebazpenean jasotako aldaketak. Ebazpen horren bidez, UPV/EHUko irakasle-ikertzaileek 2023/2024 ikasturtean Erasmus + Programan irakaskuntza helburuak dituzten egonaldiak egiteko oinarriak onartzen dira

Bigarrena: Erabaki honek administrazio bidea agortzen du, eta beraren aurka administrazioarekiko auzi errekurtsua jar daiteke Bilboko administrazioarekiko

auzien epaitegietan, bi hilabeteko epean jakinarazpena jaso eta hurrengo egunetik zenbatzen hasita, Administrazioarekiko Auzien Jurisdikzioa arautzen duen uztailaren 13ko 29/1998 Legearen arabera. Horretaz gain, nahi izanez gero, aukerako berraztertze errekurtsioa jar daiteke hilabeteko epean, erabaki hau eman duen organo beraren aurrean, Administrazio Publikoen Administrazio Prozedura Erkideari jarraituz (39/2015 Legea, urriaren 1ekoa, 123 eta 124. art.).

Leioa, 2023ko irailaren 22a

M. Juncal Gutierrez Mangado

Euskara, Kultura eta Nazioartekotzearen arloko errektoreordea

ERANSKINA

Erabakia, 2023 uztailaren 28koa Euskara, Kultura eta Nazioartekotzearen arloko errektoreordearena, UPV/EHUko irakasle- irakasle-ikertzaileek 2023/2024 ikasturtean Erasmus + Programan irakaskuntza helburuak dituzten egonaldiak egiteko oinarriak onartzen dira, honela geratzen dira idatzita:

OINARRIAK:

1. Deialdiaren xedea.....	3
2. Parte hartzeko baldintzak	4
2.1. Irakasleak	4
2.2. Irakaskuntza	5
2.3. Egonaldiaren iraupena eta aldia	5
2.4. Helmugak.....	5
3. Finantzaketa	6
3.1. Finantzaketa Europako erkidegoko funtsen bidez	6
3.2. Euskara, Kultura eta Nazioartekotzearen arloko Errektoreordetzaren laguntza osagarria	7
4. Eskaera egiteko modua	7
4.1. Eskaera eta nahitaezko dokumentazioa.....	7
4.2. Eskaerak aurkezteko epea eta modua	8
4.3. Eskaera zuzentzea eta hobetzea	9
5. Hautapen prozedura.....	9

5.1 Onartzea edo uko egitea eta erreserba zerrenda.....	10
6. Parte hartzeko konpromisoak.....	11
6.1. Egonaldiaren aurretik.....	11
6.2. Egonaldiaren ondoren	11
7. Dirulaguntza ordaintzea	12
8. Aldaketak eta uko egitea	12
9. Ez-betetzeak eta itzulketak.....	13
Eranskinen zerrenda	14

1. Deialdiaren xedea

Deialdi honen xedea da dirulaguntzak ematea UPV/EHUko irakasle-ikertzaileei 2023/24 ikasturtean Erasmus+ programari atxikitako goi mailako hezkuntzako erakundeetan irakasteko.

Egitasmo hau bat dator 1987tik egiten den irakasleen mugikortasun deialdiarekin, zeinaren helburua den irakastea Erasmus aldebiko akordioa sinatu den Europako beste unibertsitate batean, nahiz eta prestakuntza jarduerekin konbinatu daitekeen eta beste jarduera batzuk ere egin daitezkeen.

Egonaldian eginiko irakaskuntza lanak ikasketa programa baten parte izan behar du, harrera erakunde ko gradu ko edo graduondoko titulu ofizial baten ikasketa programa, eta bi erakunde en artean hitzartutako Mugikortasun Akordio batean (*Mobility Agreement*) jasoko da.

Egitasmoaren helburuak dira:

- Aukera ematea UPV/EHUko irakasle-ikertzaileei garapen profesional eta pertsonalerako.
- Hizkuntza trebetasuna hobetzea hirugarren hizkuntza batean
- Aukera ematea mugikortasun jardueretan parte hartu ezin duten harrera unibertsitateetako ikasleei beste herrialde batzuetako irakaskuntza ezagutzak eskuratzeko.
- Irakaskuntza metodologi en gaineko esperientzien trukea sustatzea
- Unibertsitateei laguntzea eskaintzen dituzten ikasketen irismena eta edukia zabaltzen eta aberasten.

Irakaskuntza helburua duen atzerriko egonaldi batek konbinatu ditzake irakaskuntza eta prestakuntza jarduerak. Konbinazio horrek aukera ematen die goi mailako hezkuntzako erakunde bateko irakasle-ikertzaileei atzerrian prestakuntza jarduera batean parte hartzeko, egokia izango dena beren eguneroko lanerako. Izan daitezke prestakuntza ekitaldiak (konferentziak, batzarrak edo beste edozein ekitaldi orokor izan ezik), nazioarteko asteak (Erasmus+ Staff Weeks) edo behaketa bidezko ikaskuntza eta behaketaaldiak. Irakasle eta ikertzaileek ekintza horretan formakuntza jaso dezaketen bezala, irakasleen mugikortasunaren barruan goi-mailako hezkuntza-erakunde elkartua garatzeko prestakuntza ematea ere sar daiteke.

Era berean, truke harreman batean, UPV/EHUK aukera du erakunde anfitrioiako irakasleak hartzeko, gure unibertsitatean irakats dezaten, pixkanaka ikasketa planak eta irakaskuntza metodoak harmonizatzeko asmoz, Europako goi mailako erakundeen arteko harreman handiago baten bidez, Europako Unibertsitate Eremuaren garapenean laguntzeko.

GARRANTZITSUA: Ekintza honen helburua da **IRAKASKUNTZA** ematea eta **PRESTAKUNTZA-JARDUERAK** konbinatzea. Erasmus+ ekintza honen esparruan, ikerketa-jarduerak ez dira onargarriak, eta ez dute justifikatzen egonaldiaren interesa, ezta helmugan egindako jarduerak ere. **Aldiz, ikerketarako irakaskuntza- eta prestakuntza-jarduerak onargarriak dira.**

2. Parte hartzeko baldintzak

2.1. Irakasleak

1. Eskatzaileak eduki beharko du Erasmus+ programan parte hartzen duen herrialderen bateko nazionalitatea edo beste herrialde batekoa (kasu horretan, egiaztatu egin beharko du baduela Espainian bizitzeko baimena mugikortasunak iraun bitartean).
2. Zerbitzu harreman bat izan beharko du UPV/EHUrekin edo unibertsitate horri atxikitako zentro batekin, dela funtzionario moduan dela lan kontratudun moduan, eta zerbitzu aktiboan egon beharko du, bai eskaera egiteko unean bai egonaldia egitean.
3. Halaber, kasu hauetan modu orokorrean eskatu ohi den desplazamendu lizentzia eduki beharko du.
4. Gutxienez B1 maila egiaztatu beharko du **atzerriko** hizkuntza batean.¹
Harrera unibertsitateak maila handiago bat eskatu ahal izango du hizkuntza zehatz batean (2. eranskina). Horrela izanez gero, eskatzaileak akreditazio hori aurkeztu beharko du.
5. Jatorri eta harrera erakundeek sinatu egingo dute interesdunak egonaldia egin aurretik aurkeztuko duen irakaskuntza programa (*Mobility Agreement* (1. eranskina)).
6. Irakaskuntza helburua duen Erasmus+ mugikortasuna oinarritzen da erakunde parte hartzaileen arteko aldebiko akordioetan. EZ BADAGO aldebiko akordiorik bi unibertsitateen artean mugikortasuna egin AURRETIK, ezin izango da mugikortasuna egin.
7. Harrera unibertsitatearen eta UPV/EHUren artean ez dira 5.000 km baino gehiago egongo.

¹ CRUEren Egiaztatze Batzordeak eta ACLES elkarteak ontzat emandako ziurtagiriak onartuko dira (ikus ondorengo esteka), baita UPV/EHUko irakasleek hizkuntza ez-ofizialetan irakasteko gaitasuna egiaztatzen duen hizkuntza ziurtagiria ere: <https://www.ehu.eus/es/web/nazioarteko-harremanak/hizkuntza-gaitasunaren-akreditazioa/>
<https://www.ehu.eus/es/web/nazioarteko-harremanak/eleaniztasun-plana-probak>

Irakaskuntza helburua duen mugikortasuna soilik egin ahal izango da Erasmus Unibertsitate Gutuna duen unibertsitate edo goi mailako hezkuntza erakunde batera, irakasle-ikertzaileak trukatzeko akordioa duena eskatzailearen UPV/EHUko ikastegiarekin, sinatua eta indarrean 2023/24 ikasturterako.

2.2. Irakaskuntza

Asteazortzi eskola ordu eman beharko dira gutxienez (baita egonaldia bost egunetik beherakoa denean ere), harrera ikastegian titulu bat lortzera bideratutako ikasketa programaren parte diren irakasgaietan. Egonaldia astebetetik gorakoa denean, aste ez-oso bateko eskola orduen gutxieneko kopurua proportzionala izango da aste horren iraupenarekiko.

Irakaskuntza jarduera konbinatzen denean prestakuntza jarduera batekin, 4 ordura murriztuko dira asteko (edo edozein egonaldi laburragoko) gutxieneko irakaskuntza orduak.

2.3. Egonaldiaren iraupena eta aldia

Egonaldia egingo da interesdunari plaza adjudikatuko dion behin-behineko erabakia argitaratu ondoren, eta 2024ko uztailaren 20a baino lehen amaituko da.

Oro har, egonaldiaren iraupena bi (2) eta bost (5) egun baliiodun artekoa izango da, bidaiak egunak alde batera utzirik. Salbuespen gisa, Hautaketa Batzordeak hamabi (12) eguneko egonaldia finantzatu ahal izango du, bidaiak alde batera utzirik, kasu hauetan: (i) eskatzaileak bi asteko ikastaro labur bat ematen badu (gutxienez 16 irakaskuntza-ordu) edo (ii) eskatzaileak irakaskuntza-egonaldia eta Erasmus+ Staff Week batean parte hartzeko prestakuntza-jarduera konbinatzen baditu.

2.4. Helmugak

Deialdi honen 1. eranskinean ikus daitezke UPV/EHUrekin irakaskuntza mugikortasunerako hitzarmena duten erakundeak, zer unibertsitate ikastegiarekin sinatu den hitzarmena, eta plaza bakoitzean bete beharreko baldintzak.

UPV/EHUko irakasle-ikertzaileek aukeratzen badute 1. eranskinean jaso gabeko helmuga bat, Euskara, Kultura eta Nazioartekotzearen arloko Errektoreordetzak hitzarmen bat eskatuko dio ikastegiko koordinatzaileari, aurkeztutako eskaeraren arabera, eta interesdunari jakinaraziko dio zuzenean mugikortasuna onartu den. Errektoreordetzak ezin du bermatu harrera unibertsitateak hitzarmen hori onartuko duenik edo epe egokian erantzungo duenik.

UPV/EHUko irakasle-ikertzaileek aukeratzen badute 2. eranskinean jasotako helmuga bat eta helmuga hori ez badagokio haien ikastegiari, Euskara, Kultura eta Nazioartekotzearen arloko Errektoreordetzak galdetuko dio hitzarmena sinatu duen ikastegiari ea onartzen duen ala ez beste ikastegi bati atxikitako irakasleak erabiltzea hitzarmen hori. Hitzarmena sinatu duen ikastegiak aukera izango du onartzeko ala ez atxiki gabeko irakasleak bere hitzarmena erabiltzea.

EZ BADAGO alde biko akordioarik bi unibertsitateen artean irakaskuntza helburua duen mugikortasuna egin AURRETIK, ezin izango da mugikortasuna egin.

3. Finantzaketa

3.1. Finantzaketa Europako erkidegoko funtsen bidez

Deialdi honetako diru-laguntzak SEPIEk adierazitako finantzaketa-arauek arabera kalkulatu dira.

Egonaldia egingo duten langileek Europako dirulaguntza bat jasoko dute bidaia gastuetarako eta egonaldiko mantenu gastuetarako, SEPIEk ezarritako irizpideen arabera. Laguntza bi motatakoa izan daiteke:

- Bidaia gastuetarako laguntza, distantziaren arabera.
- Mantenu gastuetarako laguntza, egonaldiaren iraupenaren eta helmuga herrialdearen arabera.

Deialdiaren baldintzen eta hautaketa-ebazpenetan argitaratutako artean kontraesanak badaude, deialdikoak nagusitu dira.

- Bidaia gastuetarako laguntza** diru kopuru jakin bat da, eta lantokiaren eta dagokion jardura egingo den lekuaren arteko distantziaren arabera kalkulatu da, EACEAk horretarako sortutako tresna informatikoaren bidez: <https://erasmus-plus.ec.europa.eu/resources-and-tools/distance-calculator>

Bidaiaren distantzia	Kopurua (parte hartzaileko)	Bidai ekologikoa*
10-99 km	23€	-
100-499 km	180€	210€
500-1.999 km	275€	320€
2.000-2.999 km	360€	410€
3.000-3.999 km	530€	610€
4.000- 7.999 km.	820€	-
8.000 km edo gehiago	-	-

* Bidaiak bidaia ekologikorako laguntzaren baldintzak betetzen baditu

- Mantenu gastuetarako laguntza** EBk ematen duen laguntza indibiduala da, helmuga herrialdearen eta egonaldiaren iraupenaren arabera, gutxienez 2 eta gehienez 5 egun balioduneko. Egun baliogabeak (adib.: asteburua) ez dira diruz laguntzen.

Gainera, Erasmus+ programak diruz lagundu ahal izango ditu jardura hasi aurreko joaneko bidaia egun bat eta jardura amaitu ondorengo itzulerako bidaia egun bat, betiere, frogagiriak aurkeztuta.

Bidaia ekologikorako laguntzaren baldintzak betetzen badira, Erasmus+ programak jarduera hasi aurretiko bi egun eta burutu ondorengo bi egun finantzatu ahal izango ditu.

Helmuga herrialdeak	Laguntza kopuruak eguneko
Danimarka, Finlandia, Irlanda, Islandia, Liechtenstein, Luxenburgo, Norvegia, Erresuma Batua, Suedia	120€
Alemania, Austria, Belgika, Zipre, Frantzia, Grezia, Italia, Malta, Herbehereak, Portugal	105€
Bulgaria, Txekia, Kroazia, Eslovakia, Eslovenia, Estonia, Hungaria, Letonia, Lituania, Ipar Mazedonia, Polonia, Errumania, Serbia, Turkia	90€

SEPIEk prozedura bat zehaztuko du dirulaguntza gehigarriak emateko desgaitasun bat duten pertsonen, eta oro har ezarritako laguntzak baino handiagoak izan ahalko dira.

3.2. Euskara, Kultura eta Nazioartekotzearen arloko Errektoreordetzaren laguntza osagarria

Errektoreordetzak aurrekontuko 10.000€ gorde ditu SEPIEren dirulaguntzak osatzeko, 2023/24ko ohiko deialdietan esleitzen diren irakaskuntza eta prestakuntzako mugikortasunetarako. Parte-hartzaile bakoitzak gehienez 125€ jaso ahal izango ditu laguntza osagarri horretatik, aurkeztutako frogagiriaren eta gastu onargarriaren arabera, erreserbatutako kreditua agortu arte. Errektoreordetzaren laguntza SEPIEren laguntza guztiak gainditzen dituzten gastu onargarriak justifikatzen direnean soilik izango da aplikagarria.

Kontzeptu onargarriak hauek dira: bidaia-asegurua, ostatua, joan-etorriko garraioa helmugako erakundera. Nahitaezkoa izango da aseguruaren, ostatuaren eta ostatu-tokitik unibertsitatera eta aireportura doan garraio publikoaren gastuen egiaztagiriak eta autobuseko edo taxiko beste gastu txiki batzuk aurkeztea (8. eranskina). Bidaia proposatutako jardueraren datetara eta helmugako erakundera egokitu beharko da. Egokitzen ez bada, ez da finantzatuko. Ibilgailu pribatuen alokairua eta dietak ez dira gastu onargarritzat hartuko. Ezin da inolaz ere finantzaketa bikoitzik egon goian zehaztutako SEPIEren laguntzen bi kontzeptuen eta Errektoreordetzaren laguntza osagarriaren artean.

4. Eskaera egiteko modua

4.1. Eskaera eta nahitaezko dokumentazioa

Eskariak indibidualak izango dira. Pertsona batek eskaera bakarra egin ahal izango du. Salbuespen gisa, Hautapen Batzordeak eskaera bat baino gehiago onartu ahal izango du pertsona bakoitzeko, nazioartekotze arrazoi estrategikoengatik.

Hutsak eta akatsak zuzentzeko epearen ondoren, ez dira aintzat hartuko osagabe jarraitzen duten eskaerak.

Nahitaezko dokumentu hauek aurkeztu beharko dira:

1. Eskaera orria, behar bezala beteta eta sinatuta (2. Eranskina).
2. Harrera erakundeak sinatutako behin-behineko edo behin betiko lan programa (3. eranskina).
Dokumentu horrek erakusten du harrera unibertsitateak egonaldia onartu duela. Aurreikusitako diren IRAKASKUNTZA JARDUERAK jasotzen ditu. Ikerketa jarduerak ez dira diruz lagunduko. Dokumentua modu egokian bete eta sinatu beharko da, beharrezko eremu guztietako informazioa eta helmuga egonaldirako aurreikusitako datak barne. Sinadura eskaneatua onartuko da.
3. Interesdunak lan egiten duen saileko zuzendariak eskaera baimentzea (4. eranskina).
4. Zentro bateko langileen kasuan: zentroko Nazioarteko Harremanen koordinatzailearen baimena (4. eranskina).
5. Hizkuntza ziurtagiria (B1 gutxienez) atzerriko hizkuntza batean.

4.2. Eskaerak aurkezteko epea eta modua

Eskaerak egiteko epea zabalik egongo da 2024ko maiatzaren 31 arte, egun hori barne edo funtsak agortu arte.

Aintzat harturik Administrazio Publikoen Administrazio Prozedura Erkidearen urriaren 1eko 39/2015 Legearen 14 e) artikulua eta UPV/EHUko idazkari nagusiaren 2021eko apirilaren 28ko erabakia, zeinaren bidez onartzen baita UPV/EHUrekin elektronikoki harremanetan jartzen diren pertsonen eta erakundearen lan egiten duten langileen identifikazioari eta sinadura elektronikoki buruzko jarraibidea:

- **Eskaera aurkeztu behar da UPV/EHUren erregistro elektronikoa**, <https://egoitza.ehu.eus/eu/registro-electronico> URL helbidean, eskaeraren "Hartzailea" eremuan hautatuz: **Euskara, Kultura eta Nazioartekotzearen arloko Errektoreordetza → Nazioarteko Harremanetarako Bulegoa (U02000247)**. Horretarako erabiliko da UPV/EHUko langilearen ziurtagiri elektronikoa, Izenperen Erabiltzaile Ziurtagiri Digitala, NAN elektronikoa edo Diruaren eta Zerga Zigiluaren Fabrika Nazionalaren ziurtagiria (FNMT-CERES).
- Gainera, eskaera aurkeztu ahal izango da ere sektore publikoko beste edozein erakunderen erregistro elektronikoa edo, ohiz kanpoko kasuetan, erregistro gaitan laguntzeko UPV/EHUren bulegoetan, aurrez aurre. UPV/EHUko bulego horietan presentzialki aurkeztutako eskaerak eta dokumentuak digitalizatu egingo dira, espediente administratibo elektronikoa sartzeko, eta originalak itzuliko zaizkio interesdunari, hark bere burua funtzionarioaren aurrean identifikatu eta egintza horretarako berriazko baimena eman ondoren, aintzat harturik UPV/EHUko idazkari nagusiaren 2021eko apirilaren 28ko erabakia, zeinaren bidez onartzen

baita erregistro arloko laguntza bulegoei, UPV/EHUn gaitutako funtzionario publiko baten bidez eskabideak, idazkiak edo bestelako komunikazioak aurkezteari eta gaitutako funtzionario publikoen erregistroari buruzko jarraibidea.

Eskaera presentzialki aurkeztuz gero, helbide honetara joko da:

Irakaskuntzarako Erasmus + Mugikortasun Deialdia
Gipuzkoako Campuseko Nazioarteko Harremanetarako Bulegoa
Ignacio M^a Barriola Zentroa
Elhuyar plaza 1
20018 Donostia

4.3. Eskaera zuzentzea eta hobetzea

Eskaerak ez baditu betetzen 39/2015 Legearen 66. artikuluko baldintzak eta, hala badagokio, 67. artikulukoak, edota aplikagarria den legedi espezifikoan ezarritako beste batzuk, hamar eguneko epea emango zaio interesdunari hutsak zuzendu edo falta diren dokumentuak aurkezteko, eta adieraziko zaio ezen, hori egin ezean, eskaeran atzera egin duela ulertuko dela, dagokion erabakia eman ondoren, Administrazio Publikoen Administrazio Prozedura Erkidearen urriaren 1eko 39/2015 Legearen 68. artikuluan aurreikusitako moduan.

Akatsak zuzentzeko eskatzen zaien pertsonak erregistro elektronikoaren bidez aurkeztuko dute eskatutako dokumentazioa, 4.2 puntuan adierazitako baldintzetan.

5. Hautapen prozedura

Hautapen Batzorde batek aztertuko ditu eskaerak, eta batzorde horretako kideak izango dira: Nazioarteko Mugikortasunaren arloko zuzendaria, Nazioarteko Harremanetako Zerbitzu burua eta batzordearen idazkari lanak egingo dituen teknikari bat (hitza izango du, baina botorik ez).

Soilik ebaluatuko dira behar bezala aurkeztutako eskaerak, harrera erakundeak onartutako lan programa bat dutenak, betiere egokiak badira eta deialdian jasotako helburuak badituzte.

Eskaera kopurua gehiegizkoa bada deialdirako funtsetarako, irizpide hauen arabera baloratuko dira:

1. Lehentasuna izango dute "Enlight" Europako Aliantzako unibertsitateetan egonaldiak egiteko eskaerak.
2. Bigarrenik, kontuan hartuko dira irakaskuntza helburua duten Erasmus+ programako edo aurreko Erasmus programako mugikortasunetan lehen aldiz parte hartzeko eskaerak. Lehenetsi egingo dira deialdi hau argitaratzen den datan hitzarmen bidez lotuta dauden unibertsitateetarako eginiko eskaerak.

3. Hirugarrenik, kontuan izango dira azken bost ikasturteetan Erasmus+ eta Erasmus programetan irakaskuntza edo prestakuntza mugikortasun gutxien egin dituzten pertsonen eskaerak. Lehenetsi egingo dira deialdi hau argitaratzen den datan hitzarmen bidez lotuta dauden unibertsitateetarako eginiko eskaerak.²
4. Berdinketa gertatuz gero, lehenetsia izango dute atzerriko hizkuntzan gaitasun handiagoa ziurtatuko duten eskaerak eta, zehazkiago, gaitasun hori lan plana garatuko den hizkuntzan ziurtatuko dutenek.
5. Berdinketak jarraitzen badu, plaza izango da atzerriko bigarren hizkuntza batean maila altuagoko ziurtagiria duen pertsonarentzat (B1 gutxienez).
6. Berdinketak jarraitzen badu, plaza izango da UPV/EHU lanean egun gehiago eman dituen eskatzailearentzat. Kasu horretan, bulegoak datu hori eskatuko die soil-soilik berdinketa egoera horretan dauden eskatzaileei.

Arau orokor gisa, gehienez bi irakasle-ikertzailek/TEKAZELgo langilek egin ahal izango dute egonaldi bat leku berean eta aldi berean. Arau hori betetzeko aplikatuko dira aurretik aipatu diren balorazio eta hautapen irizpideak. Salbuespenak justifikatu egin beharko dira, nazioartekotze arrazoi estrategikoengatik, inplikaturako zentroetako Nazioarteko Harremanetarako koordinatzaileek idatzitako aldeko txosten baten bidez edo Nazioarteko Harremanetarako Bulegoaren oniritziaren bidez.

Oro har, Hautapen Batzordeak erabaki proposamenak onartuko ditu, aurreko bi hilabete naturaletan jasotako eskaera osoen balorazioa eginez, deialdian parte hartzeko baldintzak betetzen direla eta eskatutako modalitaterako funtsak badaudela egiaztatu ondoren.

Euskara, Kultura eta Nazioartekotzearen arloko errektoreordeak, aintzat harturik batzordeak eginiko hautapena, Nazioarteko Harremanen web orrian argitaratzeko aginduko du onartutako mugikortasunen zerrenda, atzera botatakoena eta erreserban gelditu direnena.

5.1 Onartzea edo uko egitea eta erreserba zerrenda

Behin plaza adjudikatuta, 10 egun baliouduneko epea emango zaio interesdunari mugikortasuna onartzeko (7. eranskina) edo hari uko egiteko (8. eranskina), UPV/EHUko erregistro elektronikoa aurkeztutako inprimaki bidez, <https://egoitza.ehu.eus/eu/registro-electronico> URL helbidean, eskaeraren "Hartzailea" eremuan hautatuz: Euskara, Kultura eta Nazioartekotzearen arloko Errektoreordetza Nazioarteko Harremanetarako Bulegoa (U02000247).

Interesdunak ez baditu 6. eranskina eta 7. eranskina ezarritako epean aurkezten, eskaeran atzera egin duela ulertuko da.

² 2018/19 ikasturtetik aurrera.

Plaza lortu ez duten pertsonen erreserba zerrenda argitaratu egingo da Nazioarteko Harremanen webgunean, eta uko egiteren bat gertatuko balitz, mezu elektronikoko bat bidaliko zaie, aintzat harturik zerrenda horretako hurrenkera.

6. Parte hartzeko konpromisoak

Deialdian hautatutako pertsonen konpromiso hauek hartuko dituzte:

6.1. Egonaldiaren aurretik

Dokumentazio hau nazioartekoak.staff@ehu.eus helbidera bidaltzea egonaldia hasi baino hamabost egun lehenago gutxienez:

1. Harrera erakundeak sinatutako **behin betiko** lan programa (3. eranskina).
2. Hegazkinaren edo aukeratu den garraioaren txartelaren kopia
3. Bidaia aseguruak kontratatu izanaren frogagiria, estalduren eta ordainketaren deskribapena jasoko duena.

Mugikortasunean parte hartuko duen pertsonak bidaiako laguntza aseguruak izango du, eta haren estalduren artean egongo dira gaixotasunagatik (COVID-19a barne) edo istripuagatik asistentzia medikoa eta farmazeutikoa, aberriratzea eta osasun lekualdaketa.

Bidaia aseguruak kontratatzea nahitaezkoa da Erasmus+ programan, eta ezinbestekoa laguntza ekonomikoa jasotzeko. UPV/EHUk [IBILI BEREZI](#) aseguruak eskaintzen die irakasle-ikertzaileei eta TEKAZELgo langileei.

Goian aipatutako dokumentazioa aurkeztuz, Nazioarteko Harremanetarako Bulegoak (i) dirulaguntza hitzarmena osatzen lagunduko dio parte-hartzaileari, eta (ii) egonaldi ziurtagiriaren eredia emango dio.

Ez da diruz lagunduko aseguruak gabe eginiko egonaldirik, ezta irten aurretik sinatutako *Mobility Agreement* edota Dirulaguntza Hitzarmenik ez duen egonaldirik ere.

6.2. Egonaldiaren ondoren

Kitapena egiteko, agiri hauek nazioartekoak.staff@ehu.eus helbidera bidali beharko dira egonaldia amaitu eta hilabeteko epean:

1. EU GALDETEGIA (*EU Survey*), online beteko dena galdetegia betetzeko gonbidapena jaso eta hurrengo 30 egun naturaletan. Galdetegia betetzen ez bada, dirulaguntza itzultzeko eskatu ahal izango du Euskara, Kultura eta Nazioartekotzearen arloko Errektoreordetzak.
2. Egonaldiaren ziurtagiria, UPV/EHUren formatuan edo informazio bera jasoko duen harrera erakundearen beste formatu batean. Benetako jarduera egunak adieraziko dira, kontuan izanik ziurtagiriaren datak izan behar duela egonaldiaren finantzaketa dataren berdina edo ondorengoa. Ziurtagiria originala izango da eta ez du izango ez zirriborrorik ez zuzenketarik, eta harrera erakundearen dagokion unitatearen zuzendaritzaren sinadura eta zigilua izango ditu.

3. Egonaldiaren amaierako txostena (5. eranskina), esperientziaren balorazioa jasoko duena.
4. Errektoreordetzaren dirulaguntza gehigarriaren kitapena (8. eranskina), egonaldia egin izanaren egiaztagiriekin batera (ontziratze txartelak, erabilitako garraibideen txartel originalak, fakturak).

7. Dirulaguntza ordaintzea

Bi (2) zatitan ordainduko da:

1. Egonaldia baino lehen: Europako laguntzaren % 70 ordainduko da, eta
2. Egonaldiaren ondoren: kitapenari dagokion zatia.

Bi ordainketen tramiteak hasteko, ezinbestekoa izango da dagokion dokumentazioa (**6. atala**) helbide honetara bidaltzea:

nazioartekoak.staff@ehu.eus

Formakuntzarako Erasmus+ Mugikortasun Deialdia

Gipuzkoako Campuseko Nazioarteko Harremanetarako Bulegoa

Ignacio M^a Barriola Zentroa

Elhuyar plaza 1

20018 Donostia

8. Aldaketak eta uko egitea

Egonaldiak egingo dira horretarako baimendutako datetan. Aurreikusitako datetan eragin dezakeen edozein aldaketa posta elektronikoz jakinarazi beharko da nazioartekoak.staff@ehu.eus helbidera, beti mugikortasuna egiteko baimendutako hasiera-data baino lehen.

Helmuga aldaketek Nazioarteko Harremanetarako Bulegoaren onespena beharko dute, eta aldaketa horiei buruzko informazioa eta azalpenak bidali beharko dira posta elektronikoz nazioartekoak.staff@ehu.eus helbidera.

Adjudikatu den plaza bati uko egitea formalizatu egin beharko da Erregistro Elektronikoen bidez (7. eranskina).

UPV/EHUko IRI/AZP helmugako ikastegira bertaratu beharko da ezarritako datan, eta ez bada agertzen, mugikortasunari uko egitea izango da. Egoera horren berri berehala eman beharko da Erregistro Elektronikoen bidez; izan ere, hori egin ezean, formakuntza mugikortasunerako hurrengo deialdiko hautaketa-prozesutik kanpo geratuko dira.

Mugikortasuna bere borondatez uzten bada, behin hasiz gero, Errektoreordetzari jakinarazi beharko zaio Erregistro Elektronikoen bidez, haren egoera erregularizatzeko. Utzi izana ez bada jakinarazten eta dirulaguntza jasotzen bada, fede txarrez jokatu dela ulertuko da. Nolanahi ere, baimenik gabe mugikortasuna uzten duen IRI/AZPk jasotako laguntzak itzuli beharko ditu.

9. Ez-betetzeak eta itzulketak

Deialdiaren oinarriak edo epeak betetzen ez badira, edo datuak ezkutatu, aldatu edo manipulatu badira, ukatu, eten edo baliogabetu ahal izango da emandako dirulaguntza, eta jasotako kopuruak itzuli beharko dira.

Nazioarteko Harremanetarako Bulegoak beharrezkotzat jotzen dituen dokumentu guztiak eska diezazkieke laguntza lortu duten pertsonen eta harrera unibertsitateei, egonaldiak deialdiaren helburuak bete dituela egiaztatzeko.

Baldin eta laguntzen onuradunak azaroaren 11ko 1/1997 Legegintzako Dekretuak onartutako Euskal Autonomia Erkidegoko Ogasun Nagusiaren Antolarauei buruzko Legearen Testu Bateginaren 53.1 artikulua kasuren batean badaude, edo deialdi honetan edota dirulaguntza emateko erabakian ezarritako baldintzaren bat betetzen ez badute, Euskara, Kultura eta Nazioartekotzearen arloko errektoreordeak, dagokion erabakiaren bidez, galdutzat emango du ordaintzeke dauden zenbatekoak jasotzeko eskubidea eta, hala badagokio, itzultzeko betebeharrak ezarriko du, alde batera utzi gabe bidezkoak diren gainerako egintzak, bat etorritik abenduaren 17ko 698/1991 Dekretuan ezarritakoarekin, zeinaren bidez arautzen den dirulaguntzen bermeen eta itzulketen araubide orokorra eta ezartzen diren haien kudeaketan parte hartzen duten Erakunde Kolaboratzaileen baldintzak, araubidea eta betebeharrak.

M. Juncal Gutierrez Mangado

Euskara, Kultura eta Nazioartekotzearen arloko errektoreordea



Eranskinen zerrenda

- 1. eranskina** **FORMAKUNTZA mugikortasunerako plazak [2023/24] dituzten hitzarmenen zerrenda**
- 2. eranskina** **Eskaera orria**
- 3. eranskina** **Mobility Agreement for Teaching**
- 4. eranskina** **Eskaera egiteko baimena**
- 5. eranskina** **Egonaldiaren amaierako txostena**
- 6. eranskina** **Plaza onartzeko inprimakia**
- 7. eranskina** **Plazari uko egiteko inprimakia**
- 8. eranskina** **Euskara, Kultura eta Nazioartekotzearen arloko Errektoreordetzaren laguntza osagarria eskatzea**